

6 27712
L E
DISCOVRS
AVANTAGEVX
D E
RODOMONT.

Au Marquis d'Ancre.



A PARIS,

Chez REMY DALLIN, aumone
sainct Hilaire, à l'image
sainct Hilaire.


M. DC. XVII.

ACC 88-667(17)

DISCOVER

AVANTAGE

MODOMONT



PARIS

THE NEW YORK PUBLIC LIBRARY
ASTOR LENOX TILDEN FOUNDATION
500 FIFTH AVENUE
NEW YORK, N. Y.

NEW YORK



L E

DISCOVERS

AVANTAGEUX

DE RODOMONT

au Marquis d'Ancre.

MARS s'estoit ces iours passez arresté en ceste contrée alleché des vaines esperances d'un pretendu Gentilhomme Florentin, que la fortune auoit esleué en la seconde dignité de France, pour luy seruir puis apres de bouffon sur le theatre du monde:

O fortuna potens quàm variabilis;

Euertisque bonos, erigis improbos.

Son personnage ayant esté ioué par l'heureuse arriüée de la Clemence de nostre LOVYs, qui fera florir les Lys de la France en despit de ceux qui bouffis de rage demeureront aux

abois, faute de pouuoir executer leur malignité sur le sang innocent des François. I'iray avec la Dame Venus calmer la bourasque & les tempestes de ces Cerueaux bouillans de cholere aux plus hasardeux endroicts des armées de nos aduerfaires, & malgré leur despit, ie tireray de leur vengeance l'huile de douceur propre pour vne paix vniuerselle. Mercure en fera de la partie, & me promet faire agréer le message qu'il fera du commandemēt de Iupiter, qui a iuré que si quelque audacieux vient cy après à leuer les armes contre mon Roy, il se peut asseurer qu'il aura affaire à luy & à tous les autres Dieux, qui n'oseroient luy contredire en la moindre de ses entreprises & desseins.

La peur & la crainte tributaires de ma puissance marcheront tousiours du pair pour intimider les plus resolu, & feront creuer les orgueilleux de honte, qui palira leur visage à leur

confusion se voyans despourueus in-
 opinément de toutes leurs forces. Je
 veux que leurs plus rudes resolutions
 seruent pour les exterminer eux-mes-
 mes, en sorte que leur aduis & tous
 leurs conseils seront autant de diuers
 moyens pour paruenir à vne entiere
 punition de leur temerité. Je veux des
 manes des plus grands capitaines qui
 ayent iamais esté apprendre les cruel-
 les atteintes, pour empescher & cōfo-
 dre leurs plus diaboliques & damna-
 nables surprises. Au fort ie m'asseure
 que leurs forces seront aussi vaines
 contre mon LOVYS, que si elles
 estoient employées contre l'air, qui
 n'en peut receuoir aucune offense, &
 plustost son indomtable grandeur
 fera terreur à tout le Ciel, que tout ce
 qui est çà bas ne tremble d'apprehen-
 sion, que sa voix est capable de cam-
 per aux cœurs de ceux qui se moquèt
 entierement des efforts de la fortune,
 & se disent n'auoir de la peur que par

leur ombre, vraye image de ce qu'ils sont exterieurement.

Sa bonté neantmoins ne permettra qu'en la moindre de ses vengeancestres-justes, on puisse cognoistre la moindre tache de cruauté: il a trop de Clemence pour en donner mesme quelque soupçon: aussi n'est-il pas permis d'irriter à l'espée ceux à qui nous sommes obligez de nos facultez & nos biens. Iamais personne (non pas mesmes les fils de la terre) n'osa leuer les armes contre son maistre, que la vengeance & la punition ne s'en soit ensuiuite, & ordinairement le Ciel pleurant vn si enorme forfait, a fait cognoistre son indignation sur la teste de ces audacieux, qui d'vn cerueau mal timbré font esclorre des desseins aussi estranges, que les demons en pourroient desseigner.

Loüons (François) le Conseil de nostre Roy LOVYs, & applaudissans à sa preuoyance, faisons actions de gra-

ces à la supreme Majesté qui n'inspire
 en nos cœurs que ce qu'elle iuge de
 plus necessaire à nostre auancement.
 Desia la Colombe qui porte le Lau-
 rier s'est assis sur le Louure, & du plus
 hault d'iceluy faiët iuger à vn chacun
 vne paix autant longue que lon peut
 croire y auoir de fermeté es affaires de
 l'autre monde. Desia le concert inte-
 rieur de nos passios est en bonne har-
 monie, reste vn seul rapport de nos
 actions exterieures pour chanter vne
 paix vniuerselle, à laquelle ie vous
 conuie au nom d'un bon François:

Adieu.

FIN.

[illegible]

5015A

19